

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11601/24
Sarajevo, 03.6.2024. godine

Na osnovu člana člana 68. stav (4) tačke (g) i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE Rekonstrukcija podne obloge sale za tjelesni odgoj u JU “Peta gimnazija” i “Gimnazija Dobrinja”

I

Prihvata se preporuka Komisije za javnu nabavku radova i poništava se postupak javne nabavke - Rekonstrukcija podne obloge sale za tjelesni odgoj u JU “Peta gimnazija” i “Gimnazija Dobrinja”, broj obavještenja 422-1-3-76-3-104/24, objavljeno na Portalu javnih nabavki dana 06.5.2024. godine, i “Službenom glasniku BiH - Oglasnik javne nabavke”, br. 32/24, obzirom da je ponuda neprihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponudačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-11601/24 od 17.4.2024. godine Općina Novi Grad Sarajevo pokrenula je otvoreni postupak javne nabavke - Rekonstrukcija podne obloge sale za tjelesni odgoj u JU “Peta gimnazija” i “Gimnazija Dobrinja”, broj obavještenja 422-1-3-76-3-104/24, objavljeno na Portalu javnih nabavki dana 06.5.2024. godine, i “Službenom glasniku BiH - Oglasnik javne nabavke”, br. 32/24. Procijenjena vrijednost nabavke je 370.085,47 KM bez PDV-a, odnosno 433.000,00 KM sa PDV-om.

Zapisnikom o otvaranju ponuda od 27.5.2024.godine Komisija je konstatovala da je u predviđenom roku, u propisno upakovanoj koverti pristigla jedna (1) ponuda ponuđača:

1. „Trisar-Inn“ d.o.o.Sarajevo i „Eko Teh“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristigla jedna ponuda, pristupila je analizi i procjeni dokumentacije kojom ponuđač trebaju dokazati svoju kvalifikovanost za učešće u ovom postupku. Vršeći računsku kontrolu ponude Komisija je konstatovala računsku grešku u obrascu za ponudu (Aneksa 2) i obrascu za cijenu ponude (Aneks 3) tenderske dokumentacije, i to kako slijedi:

1. Na stranici br. 6 ponude, u stavci 2. „Pažljiva demontaža bez oštećenja i odlaganje na palete postojeće podne obloge – parket sa podkonstrukcijom i podlogama...“, umjesto 33.900,00 treba da stoji 36.442.500,00
2. Na stranici br. 6 ponude, u stavci „pripremljeni radovi – zbir“, umjesto 36.900,00 treba da stoji 36.445.500,00
3. Na stranici br. 7 ponude, u rekapitulaciji stavka „pripremljeni radovi“, umjesto 36.900,00 treba da stoji 36.445.500,00
4. Na stranici br. 7 ponude, u rekapitulaciji “UKUPNO SVI RADOVI BEZ PDV 17%“ umjesto 370.075,00 treba da stoji 36.778.675,00
5. Na stranici br. 7 ponude, u rekapitulaciji „nepredviđeni radovi 5%“ treba da stoji 1.838.933,75
6. Na stranici br. 7 ponude, u rekapitulaciji “UKUPNA CIJENA SA NEPREDVIĐENIM RADOVIMA I POPUSTOM BEZ PDV-A“ umjesto 370.075,00 treba da stoji 38.617.608,75

avedene greške su se odrazile na to da ukupno ponuđena cijena za ugovor u Aneksu 2 i Aneksu 3 ponude treba da mosi:

38.617.608,75 KM bez PDV-a

6.564.993,49 KM iznos PDV-a

45.182.602,24 KM sa PDV-om

Shodno navedenom Komisija je dana 28.5.2024.godine uputila ponuđaču saglasnost na ispravku računске greške, na što se ponuđač izjasnio dopisom od 30.5.2024.godine da nije saglasan sa ispravkom računске greške, te je shodno tome ponuda odbačena, a u skladu sa tačkom 5.4.1. tenderske dokumentacije gdje stoji da će ugovorni ispraviti bilo koju grešku u ponudi koja je čisto aritmetičke prirode, ukoliko se ista otkrije u toku ocjene ponuda. Ugovorni organ će neodložno ponuđaču uputiti obavještenje o svakoj ispravi i može nastaviti sa postupkom, sa ispravljenom greškom pod uslovom da je ponuđač pisanim putem prihvatio ispravku u roku koji je odredio ugovorni organ. Ako ponuđač ne prihvati predloženu ispravku, ponuda se odbacuje.

Iz naprijed navedenih razloga utvrđeno je da je ponuda grupe ponuđača „Trisar-Inn“ d.o.o.Sarajevo i „Eko Teh“ d.o.o. Sarajevo ne ispunjava uslove tražene u tenderskoj dokumentaciji iz tački 5.4.1. Ispravka računskih grešaka, te je ponuda odbačena shodno odredbama člana 68. stav (4) tačka g) Zakona o javnim nabavkama, odnosno da je ponuda neprihvatljiva.

Na osnovu navedenog u skladu sa odredbom člana 68. stav (4) tačka g) i članom 70. stav (1) i (4) i (6) Zakona o javnim nabavkama („Službeni glasnik BiH“, br. 39/14 i 59/22) odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić